

1005  
287  
7

賦

雜詩

詔

勅答

位記

勅文

本朝續文粹

一之二

子孫永保  
雲煙家  
藏書記  
共七卷



本朝續文粹卷第一

賦江大府卿羽觴隨波賦一首

莊周夢為胡蝶賦一首

秋日閑居賦一首

落葉賦一首

法華經賦一首

雜詩  
叅安樂寺古調詩一首

西府作詩一首



敦光朝臣初冬述懷詩一首

河陽旅宿越詩一首

羽觴隨波賦

以周公卜落因流沉酒為韻  
三月三日於秘書閣而作之

昔周公之卜城也，瞻彼東洛，建我西周，開翠  
躅于岸上，濫羽觴於波頭，臨翫有心，水能可  
滌，雜穢會飲，無筭酒亦足，除百憂，原夫豫遊  
釋地，歡宴傳風，其說聞于東氏，其義起自姬  
公，潭月纔浮，手舉纖影之白，岸花漫落，口吹

輕葩之紅，於是潔其心，去其卜酌，下若之餘  
味，臨中流而求福，浮魚沈躍，似轉三雅於遠  
近，浴鳥和鳴，疑呼四字於遲速，余乃洞乎頻  
勸，陶然自樂，誠置酒之如淮，遂取醉於曲洛  
沙頭，擇飲點任，冷暖乎風烟，潭邊漫傾，豈待  
賓主之酬酢，既而一周爰始，二漢相因，尋勝  
趣于吉日，傳芳躅于嘉辰，水是无情，誰論淺  
深之戶，浪其不定，難知次第之遐，况復十分

頻馭三差無休始染指於泓澄之憲渚終開  
眉於澹泞之芳洲顏弓已配奪紅排之曉  
色心不及亂只枕麴塵之春流國家恩波遠  
蕩惠景高次人皆得醉德而熙義何必流  
盃之汎馨香其治咲鄭俗之採蘭亦惟其  
祥嘲金人之捧釵則知神器惟新聖曆可及  
配靈瑞於天地訖往事於左右勸智生知非  
獨同類於晉武之風膏汎通施非獨傳美於

秦昭之酒者也

莊周夢爲胡蝶賦

涉年帶春

江大府卿

漆園傲吏南華真人因寢寐而入夢忽變化  
兮如神改性羽虫不知彼爲我爲彼受身  
胡蝶何辨孰是秋孰是春原夫優之遊之日  
涉月涉託氣於思鄧之鄉卜宿於梅杏之葉  
驚目省悠々然而周賦猶迷栩栩然而蝶况  
亦聯翩殘漏翱翔百年儻人虫之異地知運

命之在天事在床頭誠類冷花之客說出枕  
上自似冠霞之仙既而物同道遠理齊小大  
笑蜂螭之有<sup>有</sup>縷<sup>有</sup>福<sup>有</sup>卿<sup>有</sup>蛆<sup>有</sup>之其帶憐黃鸝之有  
友來自遠方不悅乎春文鳥而為倫遠於衆  
藝其才奈<sup>去</sup>

穉日閑居賦一首

以空携史籍為韻

學生江廷房

年十六

夫逸士之貧居也地尋出閑心耽文籍庭繞

開三徑家唯對四壁閑戶以久忘田園下帷  
以遙知疇昔芳枳樹架獨慣於潘岳之詞長  
楊在門遠繼於陶淵之私觀夫露濕荒巷雨  
打幽栖清琴問奏綠酒將携深夜熠燿照于  
碧沼霜天蟋蟀吟于青閨西園闕而客稀漢  
表之月燭北戶寂而人少土囊之風淒以  
何況秋已深上林之下歲漸闌後園之中胡  
鴈叫雲矣驚孤枕羣鶴警露兮達遠空寒嵐

勤而塞草橋足白露起而木葉紅山禽和鳴斜  
望澗曲之衰柳野獸狂顧獨哀原上之飛蓬  
嗟乎味典墳窺子史前代雖適其名後昆猶  
稱言美李廣漢室之飛將也卜宅諸隴山范  
蠡越國之賢相也避祿於湖水聊繼彼舊塵  
仰厥高趾者也

落葉賦一首

以秋抄冬始逐風作塵為韻  
依以用之四百字以下成篇

從二位下權中納言兼都督大江朝臣

樹衰影穢葉落聲幽青女沾彼柳把白帝戒  
此梧揪陶令門前五株之烟告老唐堯園裏  
九苞之栖知秋原夫天生五株木居其表或  
散漫而日紛或堅貞而年眇鵲鷦而  
待曉暗迎十月之交鸞鶴下而論齡遠送千  
秋之抄是以江北隨律林之南忘冬羨後凋  
於陵柏揖葛標於澗松鴻鴈子飛繡衣開而  
數里鷹隼迅擊紅袖飛而幾重於是辨侏王

孫能致公子秣馬於澤陽之隈。艤舟於蜀都  
之水。金石絲竹之韻。清脆於素商之終。吳葵  
齊幽素之聲。幽咽於玄陰之始。稍稍推捷。方  
禿百雉之固。不能番駟馬之蹄。爭得逐洞庭  
波。而日暮。遊子月。歸原野。寒而嵐疎。行人露  
宿。尔乃谷鳥擇蔭。巢穴狀風。粉粧化而何去。  
醉顏醒而皆同。千峯之雲共晴。無適無莫。万  
朶之雨不定。自西自東。矧亦丹山霧卷。赤城

霞空。晉衛尉之幽居。錦帳收而風簫索。漢議  
郎之宅。紅紗透而月瞳隴。既而群動為之  
半休。衆籟因茲並作。虞衡施功。和鵲採藥。伐  
薪燒灰。周典之制。聿宣聞香。討根秦醫之法。  
云著。吾固知無龍極而有悔。尺蠖居而不伸。  
遠取於物。近取於身。鬢髮悴而霜寒。豈再繡  
林園。盡而雪冷。定更春伴。彼皤皤國老。悵然  
於窮塵者。我

法華經賦一首

以開方便門示真實相為韻依次用之以八韻充八

卷亦舉二十八品太旨

江大府卿

夫一大事之因緣其義遠哉機根通契法華  
方開六瑞之相忽至四種之花晴來三業五  
業彰一業之不隔有性無性教佛性之悉該  
原夫出離有處遊化無方設寶車而出朽宅  
尋露地而到道場伶俜辛苦之年未免窮子  
開權顯實之日忽觀法王徒觀雨祁雲片

降渥澤以譬林藪授記蒞以方便塵點  
劫始大通之結緣早成嶮難山間中路之化  
處自現於是一實開曉五醉驚眠漏無漏皆  
至正覺學無學誰非世尊近泥土而始知如  
穿高原之水入寶塔而並座似開大城之門  
復夫仙人昔為師龍女今何位勸持之衆幾  
多安樂之行惟四父子老周三周聲聞猶迷  
涌空住空惟越菩薩未示況亦壽量無測涅槃

槃非真驚峯秋風笑集不落露鶴林春夢梅  
檀豈化烟利益見分別偈隨喜及五十人万  
法明月過於鉄圍之城六根淨風香於銅輪  
之隣既而禮拜<sup>カシヤ</sup>振衣思辱構室起神通而覆  
虚空宣付属而乘空實傷藥王之本行玉臂  
為灰成妙音而新來白毫掩日嗟乎慈悲惟  
扶何津無畏之山指願如舟可渡有為之浪  
說陀羅尼而護能持寄莊嚴王而示妙相普

賢業白象而必臻大衆服金言而不忘者哉  
古調詩

叅安樂寺詩

江都督

以自筆馬之

康和二年秋 清涼八月時 秋詣安樂寺  
寺在東北隅 出府七八里 先望彼門楣  
題額携金字 下乘當路岐 地隆尤顯敞  
道遠方遶蛇 門外及廊前 往<sup>カ</sup>有三池  
其水潔如玆 看之高自涯 似展青翡翠

如敷碧璫璃  
波心風疊皺  
潭面月生規  
菰蒲早穗秀  
菡萏晚葉遺  
分浦驚鴛鴦  
近岸戲鷺鷥  
鶴子毛淋滲  
鳬雛衣襤褸  
鴻鴈鵲鵲屬  
相逼引雄雌  
常樂我淨聲  
曉夕常在茲  
鷁舫維古岸  
虹橋照連漪  
一踏銀沙浦  
再休白玉波  
北有崔嵬山  
烟嵐暗懸碕  
嶺高銜銀兔  
谷深藏黃鸝  
西有潺湲水  
露雨添彎崎  
或激為飛灘

或鋪為清溜  
危石累八九  
冷滑利且歌  
莓苔似花牋  
周道平如砥  
軒騎若喧譁  
率然忽致霹  
庭前多佳樹  
森々幾叢枝  
梅含鷄舌香  
上陽紅鰓魚  
近在璣階下  
芬馥似瓊靡  
暮雨變楓桂  
曉風吹棠梨  
左右色茫々  
次第影熙々  
啼鳥時一聲  
聞之似涼颼  
橘迷懸金鈴  
柿猶列烏樛  
山菓百千種  
夾道正離々  
其酸味非一

殆近于荔笑 枅栢葉翻翩 楊柳枝變絲  
涼風飄仙桂 爽籟誠高倚 秋來木葉下  
散漫寒古壚 纈纈敗爛然 錦繡寒慙其  
或有堅貞樹 巖亭多厥麗 或有凋零梢  
林頂自疲衰 地幽洞未素 天暄葩難萎  
階除尋芳草 十步方歲庭 結跂含露蘭  
衡足何陽葵 苔庭養蕙蓀 沙塲植泣離  
夏萱衰北堂 時菊綻東籬 歲生改人拳

茗老失鷹觜 黃綺死已久 誰人採紫芝  
脩竹亂無行 四時常倚之 日月光不透  
清陰足相追 廣柱有蔦蘿 滋蔓輕青滋  
根一條且千 滿室自支持 下降歲礎石  
上昂掩花穰 宛轉類荻飀 屈蟠訝龍螭  
緣籀綺羅鈿 黃葉陸璋施 檐宇旁紫行  
梁棟併離麗 造物者何意 強貽此幽奇  
華堂連柳榭 輪奐自參差 黃扉排瓊戶

雕刻幾羅麗  
懸鏡透珠簾  
交壁飭縹毫  
門欒安木梗  
挾箭共哆嗚  
瞻視偏如生  
跋扈勢疑々  
廟壁看華容  
操筆皆候伺  
髣髴誠如畫  
儼雅容攷々  
有堂号法華  
草創託吳維  
九品安西方  
十願唯中逸  
護持佛法天  
當左亦相比  
傳聞我聖靈  
每日念編黃  
葷膾敢不入  
竊窺出得窺  
本願好儉素  
雖志在茅茨  
後代加華飭

莫物非瓊瑤  
神以甚揭焉  
靈驗不可訾  
如在同平生  
夢想叶思惟  
感應在須臾  
適自駟馬馳  
冥刀震蠻貊  
潛化及童兒  
粉榆惟紙錢  
松杉飽琛縞  
金埒當門前  
逐重競青驪  
嘶來古柏暗  
連錢醉難騎  
聚環擲青蛟  
潔幣奉束絕  
豈唯州郡人  
梯航貢土宜  
稽首傾貂蟬  
低頭衝鷄鷄  
殺生深所禁  
豈敢求三犧  
置酒嫌淮酒

斷肉誠川垣 施潛衛以降 吾土固大治  
一境為泰平 九州因清夷 緣底愁病螫  
誰敢食蹲鴟 黔首富秋稼 蒼生休調飢  
宜驗夫子言 善政不須葑 戎罷家橐子  
戈止人截鉞 有慶兆民賴 莫不蒙疣禘  
延筭均北辰 頒澤等東冀 神力寵宇宙  
山谷猶可移 尊重三蜜法 還為扶桑資  
張子忘四愁 梁鴻息五噫 農工保利益

商賈全質劑 昔是三台位 兼又二朝師  
殷夢通岩穴 周獲非熊羆 舟楫鹽梅材  
秉政禰皋伊 輸忠輸望漢 盡節佐帝媯  
諫諍曜軒日 啓沃昭堯曦 淳化同姬旦  
聖道亞仲尼 羽林為上將 象岳作台司  
風月應本主 經籍即尊尸 抑亦長衆藝  
百中嘲南皮 博覽先世傳 佳句百代知  
春姓無氣序 如海岸出節 秋鴈數行什

似冰雪在肌  
閑居催粧製  
深自騷人辭  
烟霞桃李勻  
絕於曹娥碑  
文草十二卷  
併為輿璫貨  
復集動三才  
讀者淚漣漣  
異日化仙訣  
斯處番龍輻  
雲臺奏宣年  
民蒙考妣慈  
玄扃窺安日  
人作兒子悲  
爰占九泉地  
長立萬代祠  
三迴加金冊  
百行記勗彞  
朝使風衙傳  
玉藻飛前墀  
如無脰而來  
不待微風吹  
青苔色紙上

妙迹兩韻詩  
傳在門下局  
後人猶得窺  
風人獻龍章  
日夜顯尊儀  
吟詠閑引步  
聽者垂綬縻  
又聞紅燭燃  
殆欲及簾帷  
有聲暗喚人  
既免炎上危  
昔有南峯僧  
八定見金安  
大聖威德天  
昭臨倂二麗  
變百萬猛靈  
主億千靈祇  
望居頻有火  
製造課班儒  
虫成卅一字  
板上海其詞  
夜々管弦聲  
寥亮座下環  
時々蘭麝香

分芳室中貽 恠同宋宮戶 讀齊宣室釐  
綿山徒製屐 羅水未歡醺 藥欄石徒煎  
仙竈玉空炊 國內有疑獄 真偽迷多疑  
書理押寺門 一旦弁妍蚩 解紛超神軍  
簇蒙過元龜 囚徒寬五刑 詔人免百罪  
凶邪無得所 白魚三不欺 若人有詐偽  
誅罰出有私 若人有隱伏 發揚更無遲  
懲咎立可見 福禍唯應推 贊鳥駟鳥雀

仁獸逐狐狸 霜科決鎗銖 露賦并毫釐  
寒朝叅詣輦 駕肩乎成昵 暑月精進人  
繼踵足忘疲 宴遊為幾迴 篇翰各手隨  
早春和策羹 初冬殘花墮 三日曲江宴  
七夕漢水嬉 二季勸學會 結緣極素縹  
九秋念佛蓮 利生待僧祇 聖忌是何日  
興花有春期 仲陽二十五 齊會長無虧  
樂懸四時張 琴瑟和瓊篪 酒部七節立

流醴泛瓊卮  
簫管吹不盡  
宴罷伏燕姬  
常擊大法鼓  
夢後驚軋推  
論義常往復  
師跡傳陳隋  
都邑成其下

箏柱吹霞悠  
曲長紅神羸  
堂塔皆擲此  
久排傳灯脂  
佛表万德容  
講說自疇咨  
證入位弥深  
低屋連杆槐

歌塵動雲栢  
舞衣繽紛翻  
三昧傳月氏  
無明蕩妄想  
僧畫八字眉  
龍舄滿其中  
迴伺志各擗  
城狐社鼠喻

有罪免鞭笞  
右近馬場邊  
六軍靡龍旗  
紫衫各行事  
百王鴻葉丕  
禱晴日皎々  
在子午城離  
杏壇柳市生

震居西北野  
風景任天爲  
羽客曜鶴綾  
袈服方樹頭  
公家有神事  
乞澤雨祁々  
孟冬十七日  
集會何堂之

尊神拓廣基  
万乘迴鸞輿  
宮女曳鳳綦  
林巒生光輝  
奉幣先祈祺  
又有吉祥院  
八講法華披  
爲舉遂無謬

禁制敢不陳  
五畿及七道  
每國祭祀祇  
都盧四海內  
氣不仰指撫  
天滿自在名  
布護被尊卑  
神思所擁護  
杜楊忽生美  
神德所眷顧  
呼池自成漸  
大得飽救美  
驚豈食疾梨  
普天悉有截  
率土誠不羈  
俾六十餘州  
返於彼八麋  
國富爲食糝  
民安孫含飴  
冥化少欣缺  
神德多所裨  
菜色滿上腴  
花租盡東甬  
餘裹爲著姓

青紫事農義  
棘路夙夜忘  
蘭省簪帶疲  
射策及十葉  
分符豈一麾  
廊下鑒往事  
舊貫尤可思  
仰天恃有道  
与善冥憐台  
任神更無倦  
福謙亦在誰  
乖和身多悉  
抱節年已蒼  
沉病真歡娛  
臨政多拘怩  
行年盈六十  
釐務事一癡  
彼錄卜露命  
對鏡抽霜鬢  
計命准三樂  
省身是四雅  
脆質同蒲柳  
落景及崦嵫  
適題二十字

恐招梧臺強

西府作

白首六旬儒

奉節別東都

經道多嶮阻

行年老海隅

卜泊量潮汐

山海悉崎嶇

蒼波万里途

澤國喪熊軾

淹滯疊江湖

土卑深竹簟

飛帆接舳艫

往再嶮界華

江大府卿

揚鞭辭北闕

過城割虎符

往日出京兆

地濕飢泥塗

人民皆淡泊

艱難急渡瀘

洪溟來集鴈

田肥是上腴

豐稔宜忘稅

九穗樂農夫

燧拋休戍客

觀風近憶吳

挾纊約重璽

鎮境樂見郛

浮澣被雙鳧

家小窮月稅

調和不食荼

獄罷併離械

析忘慰征徒

浪人共感德

飲河軼百觚

城固疑縈帶

境僻應西極

戶小盡花租

八蜚歡嬾婦

闕休豈得啟

反俗遙消夏

土俗鎮逢鋪

罷岳歡治世

國安喻覆蓋

岐山栖鸞鷟  
溟海逐鷺鷥  
壯士降或虜  
駝軍獻狄俘  
寺僧懲跋扈  
神應責睚眦  
露罪何嬰鉞  
霜科詎伏鈇  
賢才非一鷄  
黎庶是群鷄  
五府被犀甲  
六軍彎弓弧  
江南追虺蜮  
海北引駟駟  
農焚將窮力  
佛教責醍醐  
黜成未忘劬  
仙方羞沆瀣  
佛教責醍醐  
玄化罩千陰  
德輝彼八區  
仁心存宿鳥  
勇力踏飛狐  
含曲覺曲從  
嘉謀識鬼瞰

一人長壽考  
萬姓悉嫗媮  
聖德出應苗  
英雄誰得迺  
股肱嘲契稷  
賢聖笑唐虞  
旦夕慎王命  
春秋感帝圖  
代天齊鳥紀  
練石省蛇軀  
象岳國損轡  
濟川世楷模  
陰陽誠作炭  
天地本為鑪  
周日早馬妣  
軒年共貴娛  
寧軍惶光虎  
襲摘徧龍髯  
山麓求康伯  
湘潭愍女媼  
雅琴譏北里  
醇酒置中衢  
節士無翻尔  
忠臣固確乎

陣成連鵲翼  
旗建靡魚須  
綠野括彫箭  
清流萍屢錢  
淳風允淡泊  
習俗敢率拘  
詎覺君心聖  
昔分衆口餬  
瑜宜成絲雉  
錢亦蓄青蚨  
長短泥隨印  
方圓水在行  
共謀宗仲達  
書檄祖元瑜  
傾色吳人鈞  
照隣和氏珠  
富來齊鄭白  
奢去引韓盧  
傳野草空合  
商山雲正孤  
中原抽玉藻  
上苑用瓊敷  
沙漠空歐脫  
邯鄲棄轆轤

衰顏慙皓白  
拙性類丹朱  
事石磨遲鈍  
願身榮蹇駕  
朝恩常感激  
暮齒更煩行  
辨惠謝鸚鵡  
彭聃哀蟋蟀  
凋零迷柳杞  
灌落到桑榆  
油素徒舒卷  
陳紅欲委髮  
風情驚眇漠  
露膽謂虛無  
櫛沐久蒼髮  
簪冠倍素鬢  
携琴爰悵望  
取酒只嘔喻  
思洛飛青鳥  
在場誠白駒  
冠彈携善友  
纓絕愛莊姝  
俸剝饒賓客  
祿餘半養孥

艷情裁紫薜 初學裁青蒲 翻扇裁紈素  
賣珠混珉珞 樓臺差項幣 庠序獨踟躕  
風野放鷹隼 霜林負鷓鴣 布將重白越  
飯盡食彫胡 遙謝淵雲智 長憾霜露辜  
指柔調趙瑟 耳熱促齊竽 郢曲飄哥雪  
魯遊歸舞雩 短脩訪楚第 三五問商瞿  
賦出虎賁府 詩開光祿厨 排門編竹戶  
營寺闢金樞 教槿將排帳 綿蕭只織紵

蟬鳴秦苑寂 鳥下漢庭无 乃舊鏤青鐵  
鏤新冶碧砮 纖纖携素手 皓皓愛鮮膚  
菊長待黃艷 蓮衰零絳趺 星浮珠彩潔  
芽綻錦窠鋪 七夕月成眺 三秋日欲晡  
脩先供水菽 常後譬新翳 坦步家僮從  
微行門客扶 燕歸知蟄土 鴈至可銜盧  
漢月看秋兔 林烟落晚鶻 牛生雅繼後  
半氏欲聆呱 靈藥期仙砌 長生憶吾壺

厖前堆綠草  
竈裏漬芳蕪  
血脉訪玄女  
久針何赤烏  
漏闌望斗極  
嵐卷踏椅梧  
華輦何時反  
金園幾且趨  
短毫曾染管  
長笛晚吹孤  
指點黃香相  
徵招朱亥屠  
蕭牆閑無事  
豈敢吳顧史

初冬述懷百韻

頃者文學之士博奕之徒各爭才藝共論利害予鬱

憤之歟聊翻其意

敢光朝臣

隣寸博奕徒  
恨度復頑愚  
種族出凡鄙  
棲居接郭郭  
桃紅皆醉只  
瓠白悉肥膚  
舉盞斟蹲酒  
善刀置俎鱸  
邪論無晝夜  
笑膳脩朝脯  
淫樂逆鳴鼓  
濫吹屢調竽  
歌狂乖郢曲  
舞慢傲巴歛  
雞關狡童走  
蛾頻倡姝姝  
飼家斯一犬  
止羞幾群烏  
挽耳猿頻叫  
試蹄馬正驅  
藝能嗤蹴踞  
禮教蔑投壺  
輕薄行尤怯  
喧譁語甚迂

園基迴遠慮  
方罫按深面  
起擗辱先笑  
忿憎氣已蠱  
繼跟旁往反  
引步猥踟躕  
要利手談好  
貪財口辨誣  
祈天唯切齒  
獲地出容躬  
枉法弃廉耻  
和讒排誦訣  
漏闌脂燭繼  
眠罷意錢愉  
勉強雌雄決  
等閑形勢覩  
勵精殫勲負  
瞋目各睚眦  
格五加雙六  
誰贏也詎輸  
折衝嫌楚漢  
却敵徧孫吳  
遲速臨枰挑  
四三擲簪呼

動奉驚角抵  
傷指怒樗蒲  
擊擢落紗帽  
侵凌奪布襦  
衣糧非俸祿  
溫飽及妻孥  
露驗宜徵贖  
霜科應畏辜  
銳鋒爭勝負  
分賭計鎗鏖  
凡、逐其性  
濫、得彼娛  
文亭憐老學  
圭竇似虎夫  
案牘陳床側  
典墳堆床隅  
客嘲稱傳癖  
俗喚号書厨  
日、負來笑  
年、截盡蒲  
詩篇披小雅  
易象讀中孚  
翰苑為單孽  
詞林作朽株

競陰帷久下  
亟大席云鋪  
稽古類高鳳  
記言亞薰狐  
智慙揚德祖  
才慕庾肩吾  
諷諭叨常燥  
詠吟毫更濡  
交親馴富貴  
淹倒在京都  
偏覓代耕鹿  
那遮過隙駒  
龍鐘潛陋巷  
蛸縮困窮途  
延頸俟河索  
枕肱羨道腴  
貯資偏竹簡  
征稅課花租  
柴戶柴空敗  
紙窓紙頗糊  
墻低懸薜荔  
簷短網蜘蛛  
籬秘纔殘菊  
簾束半剝蘆

晚風飄恍烈  
曉月映軒孤  
埋砌多黃葉  
滿庭遍綠蕪  
繁臺希郭隗  
炙輠謝淳于  
墨突烟曾絕  
顏瓢水冷斟  
疲駭嘶草澤  
籠爲望雲衢  
殆似鐵毛羽  
猶同榮騫鷲  
宦情慵寂寞  
世路嶮崎嶇  
金冗未子媚  
銅陵全禁趨  
卷舒師伯玉  
頭晦祖陶朱  
徒隔車雷闕  
偷思舟泛湖  
獨掃馮衍里  
欲乘仲由桴  
心操逐時菴  
容姿隨歲枯

體衰携几杖  
齡暮迫來榆  
貧賤誠懷恥  
始終共告誡  
悶襟聊且慰  
確執柰何諭  
葛巾傾首戴  
蕙帶繞腰紆  
餘筭沫沱散  
七旬涼燠但  
雪乳園公鬢  
華筵辟筆硯  
苔徑伴樵蘇  
推運以長吁  
雨露原憲樞  
省躬而自責  
我聞滅興穀  
緣底別憂喜  
奚因取楷模  
功名兩筆俱  
事業二人殊  
君見遵將疎

慨然私述憤  
悵笑愁聲籲  
告律序相改  
屬寒身忽痛  
吉山水卜者  
悠然問移巫  
男女晨昏有  
友朋尋訪无  
長卿愁對壁  
卓氏歡當壚  
弊服藍青婢  
凍肌梨黑奴  
竒珎雖祗密  
其味變甞茶  
大聖施良藥  
禪僧授戒珠  
仁王經例講  
觀自在新荷  
饒益需菩薩  
護持契必芻  
降魔揮惠釵  
何佛捧香鑪  
幡蓋豫欣飭  
燈油便所須

壇場安北斗 祭奠致南謨 丹府凝專薦  
蒼穹鑒暗扶 除病依妙力 救命合神符  
邏著於塵土 伶并茲晁帑 食花飛去雀  
戲藻泛遊鳧 鶴足能逃斷 龜腸整免剝  
法華圓頓理 理極勸醍醐 般若幽微義  
義融吸熨蘊 善苗爰播殖 覺榮定開敷  
冥感既如此 皇恩又可俞 賢臣倅呂霍  
哲后比唐虞 惠化洽諸夏 仁威被八區

隴關重譚至 沙塞貢賒踰 浮食黨遙行  
宏材士不拘 躬迎周室隱 登用孔堂儒  
佛筭<sup>公</sup>奏禾黍 寧疑採<sup>乎</sup> 乎  
越調

秋日於河陽旅宿敬奉和八道肥州前史  
越調詩本韻

非啻文章无比方 五經義理笥中藏 脩良吏  
著作郎 万代賢名迹 近揚<sup>掌</sup> 禪下<sup>西</sup> 早為<sup>內</sup> 史并<sup>政</sup> 永

為規模  
故云  
倚官昔事帝王尋求道今歸法界恩  
書妙偈仰誠言占居山麓避囂喧  
故云  
來待有書  
寫經卷句

本朝續文粹卷第二

詔  
敦光朝臣朔旦冬至詔一首

敕  
敦基朝臣奉太上皇尊号一首

辭  
左大臣不許勅答一首

許  
辭左大臣勅答一首

在  
良朝臣辭関白不許勅答一首

敦  
光朝臣辭攝政不許勅答一首

位  
記  
忠貞朝臣藤原嬉子贈正一位記

一首

勅文 敦光朝臣變異疾疫飢饉盜賊

勅文一首

詔

朔旦冬至詔

敦光朝臣

詔珠帛連輝明王受正祚之祥銅管正律哲  
后顯履長之慶是以圓丘迎日賀南至於一

隅靈臺觀雲懷子來於萬國誠是上協天符  
下從人望者也朕以小量嗣求大統齡在幼  
年遙謝徇齋之德政委姬旦更思成周之風  
迺者公卿奏言謹案曆日十一月壬子朔旦  
冬至經列聖而難值鍾治世而偶來又或稽  
翼日之舊儀或議陰陽之新瑞童蒙之心少  
未有識庸昧之質獨何當仁豈非祖宗靈睠  
臣佐保持之所致乎抑孝行存誼禮制難踰

縱傳飫宴於蒸之誠何忘福應於蒼之之  
貺須與兆庶享期休徵自喜永二年十一月  
廿九日昧爽以前徒罪以下輕重咸從原免  
但八虎故煞強竊二盜私鑄錢常赦所不免  
及父負官物之類不在赦限若以赦前事相  
告言者以其罪之其功臣末葉及才効著  
聞將加榮貴以穆朝章又内外文武官主典  
以上初爵一級在京正六位上諸吏及史生

以下直丁以上并天下高年者宜量賜物庶  
感中黃之達萌陽以卷上玄之降喜祉布告  
遐邇俾知朕意王者施行

喜永二年十一月廿九日

御書

奉太上天皇尊号

白川院

敦基

詔朕以幼冲濫臨神器受龜圖於翠嫺之水  
謬乘時龍養駿命於黃軒之丘如駟秋駕愁  
從轂託之肯未決童蒙之情太上天皇德侔

蒼昊仁洽黔黎照六合於霄襟置八荒於掌  
握長垂有截之化遂盛無窮之基赫哉  
聖猷冠於萬古爰比大統於繼齊同寶籙於  
鎬鎔不顧濟川之重浪逐虛舟而鼓橈空指  
射山之片雲冀脫履而尋跡將聖之德功成  
不居者歟抑國廟玄風道傳粉澤宜率崇敬  
之舊章用殊稱謂之新聽謹上尊號為太上  
天皇布告遐邇稱朕意焉主者施行

應德三年十二月二日

中務少輔從五位上臣藤原朝臣

基賴宣奉行

作者內記藤原朝臣敦基

關白左大臣

師實勅答

敦基朝臣

勅左大臣忽披表緘具知意緒公維岳降神  
人可以稱風猷朕代天授職獨思以叶時議  
况亦舟航之渡巨海也必假橈楫之功鴻鶴

之冲冒雲也。猶因羽翮之用。王者治邦。又藉  
匡弼。方今百官務劇。早寄內外。總已之權。一  
人慮輕。實慕左右小子之義。而託宿霧之暫。  
侵引謙流。以更潔。或欲辭斷鉉之官。或欲遁  
關白之任。見來請旨。奈社稷何。昔丙丞相之  
經疾。霍博陸之謝恩。遇夏侯而彰陰德。矣後  
果有瘳。拜漢宣而歸朝政焉。上敢不受者。欽  
公之宏器。光彼二相。縱守休退於粉澤之篇。

難改詔。今於紫泥之草。又隨身兵仗之脩累  
跡。賢相之例也。既非新儀。何付本府乎。

永曆四年七月廿一日

同人辭職勅卷

敦基朝臣

勅披抗表。察意端自。古明君哲后。豈能獨理  
天下乎。莫不藉左右之用。須股肱之良者也。  
故傅巖夜月。高入殷丁之夢。曲洛春風。遠傳  
周南之詠。予末小子。盡求賢能。朕庸昧而膺

萬業甚於朽索之馭駕公德采之及千里掩  
乎明珠之照車况亦登台衡以仕三代秉政  
柄以愬百官予遠汝弼非公在誰而濟川道  
悠謙詭性潔遂狀東閣之塵欲解左相之印  
遜讓之礼更成君臣之情難忤許其瀝丹之  
誠慙從所請之首偏守子孟之前蹤長翊震  
極之洪化耳

永保三年正月十九日

大殿辭闕白表勅答

在良朝臣

勅忽省表翰之所陳更有冲襟之悚越夫居  
王室者先掄棟梁之材躰帝範者心專股肱  
之任故鳳紀之代良佐為建官之羽儀龍圖  
之時輔相傳經國之翼贊注聖無獨理况於  
小子哉加之風吞淳朴俗受澆醜不濡公執  
柄之嘉謨豈期朕垂衣之宣化而哉捐仁祠  
而稱訴言或仰靈嶺而畏媛氣須俱致清裁

之明法猶以避至誠之巨咎又至如莊周之  
鉤濮水仲彥之遊汧嶺雖扇遐旨於異域風  
空隔懿親於戚里之地何退賢祖之居博陸  
徒求隱倫之在庸流尚追周姬之蹤宜施春  
民之德

寬治七年十月十日

富家殿辭攝政第三勅卷

敦光朝臣

勅省表具之自古受籙圖膺瓊錄者莫不下籍

懿德以理望綱委良弼以安王室故周卜殷  
夢迴謀於廟堂之上參天配地乘拱於嚴廊  
之中君臣之道今古攸同而公更懼凡滿於  
連山之雲屢謝愬錄於濟川之浪寸丹不移  
尺素頻至披而讀之撫然動思如彼范蠡之  
乘扁舟許由之携仙藥式成一時之功遂逃  
厚賞或三徵之命長養幽情公永累葉輔佐  
之元功居燮李陰陽之重任偏依寄託之義

專<sup>ツ</sup>翊<sup>ス</sup>幼冲之身若夫匪石之心不轉則金砺  
之用弥施指河之誓無悞亦魚水之契何忘  
縱有費詞朕不敢收訐又隨身兵仗既存前規  
雖欲無用豈可得容乎悉遵前勅勿煩上疏

天仁六年二月廿五日

位記

從二位藤原朝臣嬉子菅原貞朝臣

右可贈正一位

中務柔儀遠暉淑問高聞秋風告別雖隔笄  
芳於青園晚月尋蹤猶添光輝於黃壤宜申  
其礼以貴其終可依前件主者施行

萬壽二年八月廿九日

勘申

敦光朝臣

變異疾飢饉盜賊等事

一 天地變異人民疾疫事

天文志曰天文篇籍昭々可知陰陽之精其

本在地而上發于天者也故政失於此則變見於彼景之象形響之應聲是以明君觀之寤飭身正事思其咎謝則禍除而福至自然之符也

五行傳曰皇之不極是謂之不逮厥咎眊厥罰恒陰其灾大疫

禮記曰孟春行秋令則其民大疫季春行夏令則民多疫疾仲夏行秋令則民殃於疫孟

秋行夏令則民多瘧疾仲冬行春令則民多

疥癘季冬行春令則國多固疾周禮曰司救

掌九歲時有天患民病則以節巡國中及郊

野而以王命施惠也

天患謂灾害也  
施惠賑恤也

六韜曰太公曰主動作舉事惡則天應之以

刑善則地應之以德逆則人脩之以力順則

神授之以職故人主好賦斂大宮室多遊臺

則民多病溫霜露殺五穀絲麻不成

漢書曰宣帝大始元年夏四月庚午地震詔  
內群國舉文學高第各一人

後漢書曰光武建武十二年九月戊辰地震  
裂詔曰<sup>言</sup>者地震南陽尤甚夫地者任物不  
動靜而不動者也而今震裂咎在君上其令  
南陽勿輸今年田租芻蕘文曰安帝延光四  
年京都大疫張衡明年上封事臣竊見京師  
為害民多病死有減戶人々恐懼朝廷焦心

以為憂臣官在於考變攘灾思在防救未  
知所由夙夜征營臣聞臣國之大事在祀  
莫大於郊天奉祖

唐貞觀八年魏徵曰臣聞自古帝王未有不  
灾變但能修德則灾變自消陛下因有天變  
遂能戒懼反覆思量深自剋責雖有變亦不  
為灾

右天變地後者所以警戒人主也凡厥庶咎

象司天奏之抑古人有言曰夫日月之有食  
風雨之不時惟星之儻見是無世而不常有  
之也上明而政平則雖並世而起無傷也但  
後漢永平年中有日蝕之異公卿大夫皆言  
封事詔選郎官寬博有謀才任典城者三十  
人悉以所選郎補長相我朝弘仁聖代憲章  
稽古登用賢才抽爲侍中選爲郎官當其新  
紉之日授彼專城之任其後歷代二十四代

計年三百餘年車書同軌無有異路而近年  
以來其風澆醜其思斑駁若不僅往代聖獻  
自可助明時之望化歟且夫疾疫之起政違  
時令之所致也天平十三年二月十四日勅  
曰頃者年穀不豐疾病頻至是以普令天下  
造釋迦牟尼佛高一丈六尺各一鋪并寫大  
般若經各一部風雨順節五穀豐穰者宜遵  
格制重令普告又弘仁四年六月一日格傳

應禁斷京畿百姓出奔病人事天下之人各有僕隸平生之日既役其力病患之時即出路過無人省養遂致餓死因修此格自叶周文掩骸之義欵伏惟倭漢之間每有災異或舉賢良優老人贍貧民或免租穀減調庸省徭役依彼等例可被量行欵

一 去年風水有難今年春夏飢饉事五行傳曰宗廟不禱祠廢祭祀逆天時則

水不潤下謂水告其性而為災也

又曰奪民農時則木不曲直木失其性而為災也厥罰恒雨

又曰治宮室飾臺榭則稼穡不成厥罰恒風其災大風拔樹木

禮記曰孟春之月天子乃以元日祈穀于上帝鄭玄曰謂以上帝郊祭天也夫郊祀後稷所以祈農也上帝大徵之帝也

又曰歲凶年穀不登君膳不祭肺而不食穀  
馳道不除祭事不懸大夫不食梁士飲酒不  
樂又曰國無九年之蓄曰不足無六年之蓄  
曰急無三年之蓄曰國非其閔也三年耕必  
有一年之食九年耕必有三年之食以三十  
年之通雖凶旱水溢民無菜色然後天子食  
日舉以樂周書曰天有四殃水旱饑荒其至  
無時非務積聚何以備之夏歲曰小人無兼

年之食遇天饑百姓非其百姓也戒之哉

春秋繁露曰木有變彫榮秋水春多雨此

從役衆賦數厚百姓貧窮道多飢人救者

省從役薄賦數出倉穀賑困窮

孔子家語曰哀公問政於孔子政之急者

莫大乎使民富且壽也公曰爲之奈何孔

子曰省力役薄賦數則民富矣數礼教遠

罪戾則民壽矣管子曰齊桓公在位管仲

曰齊國百姓公之本也民甚憂飢而稅斂重  
民其懼死而刑政險民甚傷榮而上舉事不  
時輕其稅穀則民不憂飢緩其刑政則民不  
懼死舉事以時則民不傷勞桓公曰寡人聞  
命矣

墨子曰古之民未知飲食聖人耕稼其為  
食也以增氣充虛今則厚斂百姓孤寡凍  
餒欲無亂不可得也

漢書曰文帝詔曰導民之路在於務本朕  
親率天下農十年于今而野不加辟歲一  
不登民有飢色其賜農民今年租稅之半  
其遺竭者勞賜三老孝者帛人五疋悌者  
力田二疋  
又曰武帝元朔二年春起柏梁臺夏大水  
關東餓死者以千數吏民有振救民免其  
厄者具舉以聞

後漢書曰光武建武六年正月辛酉詔曰  
往歲水旱蝗虫爲災穀價騰躍人用困乏  
其命群國有穀者給粟高年鰥寡孤獨及  
篤癯無家屬貧不能自存者

唐太宗即位之始霜旱爲災米粟踊貴帝  
志在憂人銳精爲政崇尚節儉大布恩德  
是時自京師及河南隴右飢饉尤甚一疋  
絹祇得一斗米百姓雖東西逐食未嘗嗟

怨莫不自安至貞觀三年關內豐饒咸自  
歸鄉竟無一人逃散其得人心如此加以  
從諫如流雅好儒學孜孜求士務在擇官  
四年詔修洛陽宮之乾元殿給事中張玄  
素諫曰唯當弘儉約薄賦斂而今事不急  
之務成虛費之勞國無兼年之積五六年  
間未能復舊奈何更奪疲人之力深願陛  
下思之太宗傳之

右王者八政食為其先古人有言曰寒者不  
貧尺玉而思短褐飢者不顧千金而美一食  
自非兼年之食何免荒飢之愁夫衰弊之漸  
其來區分一者依廟社不祀也而二月初年  
祭六月十二月月次祭神今食九月神嘗祭  
十一月新嘗會者朝之重事也其祀總存其  
禮漸薄就中天皇神今食幸中和院神嘗祭  
幸大極殿威儀棣々自感神心昔告朔餼羊

仲尼愛禮以小喻大何失恒規事々任式可  
被行之諸國所在大小神社雖有破壞難加  
脩理雖有顛倒無復基趾國寧不參祭祀之  
場社司無致修治之事況非家譜之輩知社  
務之人誰能端謹慎之誠乎誰能懋齋肅之  
禮乎二者依佛事不信也招福之謀以教法  
為本歸佛之志以清淨為先矣是以寶龜三  
年十一月丙戌詔曰頃者風雨不調頻年飢

荒欲救此福唯禱冥助於天下諸國、分寺  
每年正月一七日之間行吉祥悔過以為恒  
例始自明堂至于諸國先物年之祈願又遺  
我朝之勝蹟而廟堂之中雖備威儀列閣之  
間恐致踈畧其故者國分寺有威其無實之  
聞講讀師無其有智之侶相待感應宛如求  
笑答於本末者欵如此恒例齋會臨時佛事  
殷念雖深施與如踈是則諸司懈怠諸國難

澁之故也又往古寺塔遍滿國土三綱等唯  
貪田園之地利如忘土本之堂構官府所載  
諸國之塔公家慥不尋勤惰牧宰各所預勸  
賞也論之物議奈其鑒何三者依奪民農時  
也中古以來高堂大厦造營寔繁繁山鑿池  
課役未絕人不旋踵民無息肩昔衛靈公依  
宛春之諫罷嚴寒之役矧乎非時使民必傷  
農吏須休牛功勿奪農時四者依重賦斂也

田畝無加賦斂有增者古傷之今傷之魏文  
侯時租稅歲倍有人致賀文侯曰今戶口不  
加而租稅歲倍此由課斂多也不可賀焉由  
是魏國大理如聞近來無檢由數之增減不  
尋農民之貧富推稱利由徵納租稅地廣民  
富者自叶其心地狹民貧者暗奪其心富者  
寡貧者衆旁魄論之可謂苛酷又雖檢田數  
變法過差興亡之間世自知之早隨國之治

否可有吏之褒貶歟五者依不禁奢僭也彼  
染器盡踣於禰其奢葛衣菲食長傳其儉漢  
文帝之罷露臺齊桓公之却紫衣治世之盛  
後代美談也方今天下諸人屋宅衣服既踰  
制度軒騎僮僕多過規模頻加禁遏於不悔  
改鄙語曰域中好大袖四方用疋帛域中好  
廣眉四方以半額世之所好只從時俗况復  
金銀之環彫鏤匪一紅紫之色着用甚多宜

任度々之綸言以停色々之華麗六者依學  
校廢也天下之所貴唯賢所寶惟穀仍我朝  
宮城之南左則置大學寮以崇神師右則置  
穀倉院以蓄米穀而饗舍顏弊鞠為茂草蘋  
蘓藻之貲有煩于備其供緡紳青襟之徒無  
處于容其身伏案貞觀政要太宗即位之初  
京師飢饉致々求士務在擇才改革舊弊頻  
致豐稔宜依聖代之舊風早施明時之新化

歟七者依府庫空虛也大府之食廩久以空  
虛諸國之租稅已少填納况納官封家有名  
無實列位之臣不預月俸奉公之士難禦歲  
寒所謂衣食闕於家雖父母不能制其子凍  
餓切於身雖巢由不能固其節又諸國大糧  
充行惟稀臺餘之軍衣糧難支如此七事廢  
一不可抑諸國土民為逃課役或稱神人或  
為惡僧橫行部內對捍國務加以京中所往

浮食大賈之人或於近都借一物向遠國貪三倍或當春時與少分及秋節取大利若送數迴之寒燠殆傾終身之貯資窮民不堪其力舉家逃亡又永賣妻子為彼奴婢天下凋殘職而之由伏惟延喜年中式部大輔三善清行朝臣封事之中天下費非往世十分之一者以彼一分比之今時復非延喜十分之一國之衰耗指掌可知尹令云凡遭水旱災

蝗不焚之處少<sup>ハ</sup>糧應須賑給賦役令云凡田有水旱虫霜不熟之處國司檢實具錄申官免租調課役者畢任令條可被施德政安人民欽一陸地海路盜賊旁起事

尚書舜典曰帝曰皋陶蠻夷猾夏<sup>ミナ</sup>寇賊姦宄汝作士五刑有服五服三就五流有宅五宅三居惟明克允<sup>ミナ</sup>禮記曰季秋行冬令則其國多盜賊邊境

不寧呂氏春秋曰凡奸耶之心飢寒而起彫  
文刻錢害農事者也文繡纂組傷女功者也  
農事害則飢之本也女功傷則寒之厚也飢  
寒並至而能不為奸耶者未有之有也  
後漢書曰光武建武六年十月詔曰吾德薄  
不明寇賊為害強弱相凌元元失所其勅公  
卿舉賢良方正各一人  
右奸耶之心飢寒而起所謂渴馬守水餓犬

護肉則雖用刑罰難致肅清戶口饒衣食足  
則邊境安寧寇賊消散宜任延厯五年四月  
十九日格又簡擇良吏攘除姦濫但國有典  
刑誰免懲誠定觸一面之網羅早致四海之  
靜謐歟但駟俗之道寬猛相濟去永平六年  
南海賊徒首藤厚張友結黨長聚彼時以紀  
朝臣淑人任伊豫守令兼行追捕事賊徒聞  
其寬仁二千五百餘人悔過就刑魁師三十

餘人束手歸降即給衣食田地令勤農業然則修良之吏各赴任國搜求黨類若有歸降之輩者班田給物依前行之國富刑清籌策之其一也抑大宰府者蕃客往反之地也鎮守府者遠夷交接之境也若無霜威之振外土恐有風聞之及殊方縱雖屬無爲之代何可拋不虞之備安不忘危古之炯誠也以前參簡條據史籍課愚管勘申如件

保延元年七月廿七日正四位下行式部  
大輔藤原朝臣敦光



